



Reykjavíkurborg er skipt upp í 36 skólahverfi eins og sjá má á heimasíðu Menntasviðs
Reykjavíkur: <http://www.menntasvid.is>

REGLUR UM SKÓLAHVERFI OG INNTRITUN Í GRUNNSKÓLA REYKJAVÍKUR

1. Allir foreldrar eiga kost á að sækja um skóla fyrir börn sín hvar sem er í borginni skv. innritunarreglum.
2. Nemendur með lögheimili í tilteknu skólahverfi eiga afdráttarlausan rétt á skólavist í hverfisskóla og því forgang, ef skóli þarf að takmarka nemendafjölda.
3. Skóli tekur inn nemendur utan skólahverfis nema húsnæði hamli. Hafni skóli inntöku nemenda á þessum forsendum skal skólustjóri tilkynna foreldrum það skriflega. Komi til aðrar ástæður sem skóli telur að hamli inntöku nemenda, gerir skólustjóri skriflega grein fyrir því og kynnir foreldrum. Foreldrar geta þá vísað málinu til yfirstjórnar Menntasviðs enda sé þeim kynntur sá réttur.
4. Nemendur sem sækja skóla í öðru skólahverfi en lögheimili þeirra er, eiga sama rétt til skólavistar og þjónustu og nemendur úr skólahverfi skólans.
5. Nemendur sem eiga rétt á skólaakstri/strætómiðum eru:

Nemendur í 1.-5. bekk sem búa meira en 1,5 km frá hverfisskóla sínum.

Nemendur í 6.-10. bekk sem búa meira en 2 km frá hverfisskóla sínum.

6. Fjármagn fylgir nemanda í samræmi við reikniformúlu þess skóla sem nemandi innritast í eða úthlutunarreglur vegna fatlaðra nemenda.
7. Uni foreldrar ekki ákvörðun skóla hvað varðar þessar reglur geta þeir vísað málinu til yfirstjórnar Menntasviðs.
8. Í kynningarefni og á heimasíðu Menntasviðs komi skýrt fram að foreldrar skólabarna hafi val um grunnskóla með þeim fyrirvörum sem um getur í 2. grein og vakin athygli á því að unnt sé að velja einkarekna skóla.

REGLUR UM INNRIÐUN Í SÉRSKÓLA OG SÉRHÆFÐAR SÉRDEILDIR

Reykjavíkurborg rekur þrjá sérskóla, þ.e. Brúarskóla, Safamýrarskóla og Öskjuhlíðarskóla, auk fimm sérhæfðra sérdeilda, þ.e. táknaálssviðs Hlíðaskóla, einhverfudeilda við Fellaskóla, Hamraskóla og Langholtsskóla og Bjarkarhlíðar sem er sérdeild fyrir nemendur með félagslegan og tilfinningalegan vanda.

1. Samkvæmt grunnskólalögum eiga foreldrar fatlaðra barna og barna með miklar geð- og hegðunarraskanir rétt á að velja um heimaskóla (hverfisskóla) eða sækja um sérúrræði.
2. Foreldrar sækja skriflega/rafrænt um inntöku fyrir barn sitt í sérskóla/sérhæfða sérdeild með rökstuddri greiningu.
3. Ef foreldri sækir um flutning fyrir barn sitt úr almennum grunnskóla í sérskóla eða sérhæfða sérdeild skulu fylgja með umsókn gögn frá skólanum um námslega og félagslega stöðu nemandans ásamt greiningargögnum. Foreldrar geta óskað eftir aðstoð skólans við að ganga frá umsókn.
4. Viðkomandi barn þarf að hafa fengið greiningu samkvæmt reglum í reglugerð um Jöfnunarsjóð sveitarfélaga.
5. Viðurkenndir greiningaraðilar eru Greiningar- og ráðgjafarstöð ríkisins, Barna- og unglíngageðdeild, Sjónstöð Íslands og Heyrnar- og talmeinastöð.
6. Inntökuteymi fer yfir umsóknir nemenda og raðar í forgangsörð ef fleiri umsóknir berast en pláss leyfa. Tekið er mið af greiningarniðurstöðum og gögnum hverfisskóla sbr. lið 3 að ofan. Í inntökuteymi eiga sæti: Skólastjóri viðkomandi sérskóla/sérdeildar, sálfræðingur eða annar sérfræðingur sem skólinn velur og fulltrúi Menntasviðs Reykjavíkur. Skólastjóri kallar saman inntökuteymi og stýrir störfum þess. Rituð skal fundargerð hvers fundar.
7. Þegar inntökuteymi hefur samþykkt inntöku nemandans gerir skólastjóri foreldrum grein fyrir niðurstöðu og sendir upplýsingar til Menntasviðs.
8. Uni foreldrar ekki niðurstöðu teymisins geta foreldrar vísað málinu til yfirstjórnar Menntasviðs til nánari ákvörðunar.

Innritun 6 ára nemenda

1. Bréf er sent til foreldra um miðjan janúar.
2. Skráning fer fram í Rafrænni Reykjavík seinnihluta febrúarmánaðar.
3. Ef sótt er um hverfissskóla á þessum tíma berst staðfesting strax.
4. Ef sótt er um annan skóla en hverfissskóla er umsókn afgreidd fyrir 1. apríl (þ.e. 1. val).
5. Annað val afgreitt fyrir 15. apríl.

Flutningur á milli skóla

1. Foreldrar sækja um flutning á milli skóla í Rafrænni Reykjavík.
2. Flutningur nemenda í skóla utan heimahverfis skal miðast við byrjun annar að hausti eða vori. Skráning fari fram fyrir 15. maí fyrir haustönn og 15. nóvember fyrir vorönn.
3. Viðtökuskóli samþykkir eða hafnar umsókn sbr. innritunarreglur.
4. Skóli sem barn er í gengur frá gögnum og skráir nemanda úr skólanum.